

欽定大清會典事例

卷

一千一百八十七至
一千一百九十一

內務府

典禮

喪禮

庫藏

欽定大清會典事例卷一千一百八十七

內務府

典禮

朝會設樂大婚

皇后躬桑

獻前

進春

恭紀

玉牒黃冊

賜茶

進時

憲書

大婚。凡納采之禮。內務府官備文馬十。鞦轡具。甲

胄十。幣百。布二百。是日早。以龍亭分載甲胄布

帛。陳於丹陛上左右。陳文馬於丹陛下左右。宣

制官宣

制畢。正副使前行。內務府官率校尉昇亭。衛士牽文

馬隨行。詣

皇后邸第。龍亭至儀門外止。內務府官奉甲冑布帛入陳於左右案。衛士以馬入陳於中階下左右。

正使傳

制納采。后父跪受。正副使復

命。后父跪送於大門外。內務府官皆退。○大徵之禮。

內務府官備黃金二百兩。銀萬兩。金茶器一。銀茶器二。銀盆二。幣千。文馬二十。輦轡具。甲冑一。弓一。韃矢一簣。朝服各二襲。衣各二稱。皆冬一夏一。貂裘各一。帶一。備。

賜后兄弟及從人服物有差。○

大婚屆吉。行

冊迎禮。內務府官陳冠服於鳳輿之南。宮殿監督領

侍率內監備

交泰殿內外鋪陳恭侍。命婦朝服豫詣

殿外祇俟。導從命婦贊引侍儀宣讀女官均朝服。

及給事

皇后邸內監均綵服詣

皇后邸祇俟。正副使至

皇后邸。內務府官奉冠服授內監齎入。轉授女官以

進

皇后。○順治八年。

世祖章皇帝大婚禮。前期行納采禮。馬十匹。鞵轡具。甲胄十副。緞百疋。布二百疋。金茶筭一具。銀茶筭一具。銀盆一具。大徵禮。黃金二百兩。白金萬兩。金茶筭一具。銀茶筭二具。金銀盆各一具。緞千疋。布二千疋。馬二十匹。鞵轡具。馱甲二十副。常等甲三十副。○十一年。

世祖章皇帝大婚禮。並與順治八年典禮同。○康熙四年。

聖祖仁皇帝大婚禮。擇吉行納采禮。馬十匹。鞵轡具。甲

胄十副。緞百疋。布二百疋。大徵禮。黃金二百兩。
白金萬兩。金茶筭一具。銀茶筭二具。銀盆二具。
緞千疋。馬二十匹。鞵轡具。馱甲二十副。又馬四
十匹。○同治十二年。

穆宗毅皇帝大婚禮。前期行納采禮。馬十匹。鞵轡具。甲
胄十副。緞百疋。布二百疋。大徵禮。黃金二百兩。
銀萬兩。金茶筭一具。銀茶筭二具。銀盆二具。緞
千疋。文馬二十匹。鞵轡具。又馬四十匹。馱甲二
十副。○光緒十五年。

皇帝大婚禮。前期行納采禮。馬十匹。鞵轡具。甲胄十

副。緞百疋。布二百疋。大徵禮。黃金二百兩。銀萬兩。金茶甯一具。銀茶甯二具。銀盆二具。緞千疋。文馬二十匹。鞦轡具。又馬四十匹。馱甲二十副。皇后躬桑。○前期一月。內務府交宮殿監督領侍奏請。

妃

嬪二位。內務府奏請以公主福晉郡主貝勒貝子夫人三人。一二品大臣命婦四人。恭從。

皇后躬桑。如蠶未生。則俟蠶生。如蠶已生。即於饗先蠶之翼日。內務府總管大臣以龍亭一。設。

皇后採桑金鉤黃筐。以綵亭二。設

妃

嬪採桑銀鉤柘黃筐。公主福晉夫人命婦鐵鉤朱
筐。昇至

內右門。宮殿監督領侍等受進。陳於
交泰殿。恭請

皇后御吉服。閱鉤筐禮成。內監昇亭出

內右門。授蠶官。用樂導引至壇內。次日質明。設

皇后儀駕於

順貞門外。巳刻。內務府禮部堂官奏時。宮殿監督

領侍奏請

皇后行躬桑禮

皇后吉服乘輿出宮

妃

嬪乘輿從各執事女官皆從

皇后至壇門外降輿前引命婦十人相儀女官二人

恭導

皇后至

具服殿傳贊引

妃

嬪以下各就東西採桑位。視桑之行列為尊卑。以北為上。凡陪祀入壇。不從採桑者。於臺下左右序立。班齊。相儀奏請。

皇后採桑。掌儀司首領內監。率歌採桑歌內監十人。司金鼓。版笛笙簫內監二十四人。麾五色綵旗。內監四十人。均於桑林外左右魚貫序立。

皇后至桑林前。傳贊引侍班福晉夫人命婦。至臺南左右隅。南嚮立。相儀二人。一人跪進金鉤。

皇后右手受之。一人跪進筠筐。皇后左手受之。採桑歌作。奏樂。

皇后先至東第一株桑前。東面採桑一條。次至西第一株桑前。仍東面採桑二條。均蠶母二人助採。採畢歌止。

皇后授筐鉤於相儀二人。二人各跪受筐鉤。仍設鉤於龍亭。傳贊引侍班等復原位。典儀奏請

御觀桑臺。

皇后由午陞升臺升座。視

妃

嬪以下以次採桑。

妃

嬪公主福晉夫人各採桑五條。命婦各採桑九條。均蠶婦助之。採畢釋鉤筐。女官各設鉤於綵亭。妃

嬪由臺東西陞升。侍立於臺上左右。公主福晉以下皆復位立。典儀相儀引贊等。彙取諸筐授蠶母。蠶母跪受之。遂切葉以飼蠶。告成於典儀。

皇后還具服殿。禮服升座。傳贊引

妃

嬪以下命婦及蠶母蠶婦各就位。行六肅三跪三

拜禮禮成

皇后出殿率

妃

嬪至壇門外。乘輿還宮。蠶母蠶婦就蠶室將事。○

乾隆七年議准

皇后躬桑。以蠶生未眠時。風候和暖之日為期。其蠶母蠶婦。令內務府於內府及八旗中。遴選熟諳蠶事。並無事故者具奏。

欽點蠶母六人。使居繭館。以督蠶事。蠶婦二十七人。居蠶宮二十七從室。各治蠶事。如不得其人。即

將康熙年間曾經內苑養蠶之人。選為蠶婦。於
內外命婦中。擇年高者二人為蠶母。承總其事。
不必移居蠶室。○又議准恭遇

皇后躬桑。照耕藉三十六禾詞之例。唱採桑歌。在桑
外東西徑道排列。招飈綵旗。奏樂唱歌。○又議
准於太監內置蠶宮令丞各一人。交宮殿監督
領侍。將各執事首領酌量揀選數員開列。恭候
欽點各一員。兼理蠶壇諸務。○又議定採桑歌用執
綵旗太監四十名。司鼓版鐸太監六名。唱採桑
歌太監十名。女官四十六人。其女官於

宮內揀選如人數不敷在內務府八旗中選擇充補。○九年議准。

皇后躬桑需用蠶婦二十七人。除內苑現有十二人外。餘缺於內務府佐領管領下蘇拉披甲人妻室內挑補。○又議奏。

躬桑大典。

皇后親祭具禮服。從事女官隨服禮服。

躬桑具吉服。從事女官亦宜隨服吉服。但禮服吉服若令女官等自行備辦。未免新舊不一。長短各異。查庫中現有官用女朝服五十分。女蟒袍五

十件。蟒褂十件。除朝服蟒袍儘足應用外。尚少
官用蟒褂三十件。朝冠四十頂。應交廣儲司成
造應用。至蠶婦二十七人。皆係無職人之妻。不
便與女官一色服飾。而

躬桑之時。既有伊等執事。亦不便聽其各服便服。請
給官用藍緞袍石青緞褂二十七套。亦交廣儲
司成造。臨期分給服用。令於事畢之後。仍交衣
庫收存。奉

旨。蠶婦不必做藍袍石青褂。

先農壇耆老。係穿月白袍。蠶婦亦著仿照耆老著袍。

餘依議欽此遵

旨奏准。謹案耕耜禮儀耆老服飾分別之例擬定

皇后躬桑助採之桑婦亦令穿青屯絹面月白杭紬
裏袷袍其助

妃

嬪王妃命婦採桑之蠶婦令其穿青布面藍布裏
袷袍其執綵旗唱歌詞者亦照耕耜例執綵旗
唱禾詞者之服飾令其穿畫金錢五色緞面貫
錢襖。○十四年奏本年季春吉巳日致祭

先蠶壇欽奉